

132  
DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

BIU Santé  
Médecine  
Paris

QUÆSTIO MEDICO-CHIRURGICA,

QUOD LIBETARIIS DISPUTATIONIBUS

*manè discutienda in Scholis Medicorum, die Martis decimo-sexto  
mensis Martii, anno Domini M. DCC. LXXXX.*

M<sup>o</sup>. CLAUDIO-BARTHOLOMÆO-JOANNE LE CIERC, Doctore Medico,  
Præside.

*An, incæptâ vulnrum coalitione, reviviscant, &, absolutâ, persent in coadunatis  
labiis pristina mutuaque liquorum commercia?*

I.

CUM inauditos Chirurgiæ aliquot ab hinc sæculis progressus intueor, eandem non sine molestiâ video ancipitem hæsitantemque de rebus cognitu facilibus, momentosis tamen. In promptu origo mali. Omnes inexhausto ratiocinandi furorē laborant: vix aliquos sincerum veri inveniendi movet desiderium. Hinc longa deliramentorum, errorum, argumentorumque probatione destitutorum series ubique obviorum. Chirurgi ipsi, cæterâ illustres, suam artem melioribus auspiciis natam, evidentiaque face illustrari aptissimam, opinionum commentis (quæ dies ad unum debeat faxit Deus!) infestare non erubescunt; phantasiæ arbitrio diruunt, ædificant, tanquam si philiatros systematicâ sarragine studeant irretire; incerta audacter affirmant, certiora nube opacâ circumvallant, doctrinaque aditus, nedum, ut sonat mixta præceptis importuna jactatio, minùs salebrosos efficiant, lubricos è contrâ reddunt plenosque difficultatis. Etiam nunc, huic enim unico insistant exemplo, etiam nunc ambigitur utrùm sanati vulneris labia sint necne sanguini, lymphæ, aliisque liquoribus mutuò pervia. Talem nihilominùs litem componere nequaquàm arduum, sicut è binis proximè sequentibus paragraphis elucebit.

II.

CERTIOREM Chirurgiæ normam, tutissimumque adversùs temeras assertiones præsidium, experientiam confidenter adeamus, quæ sola positæ quæ-

A



fioni serenam lucem infundere sit habilis. Hujusmodi verò disquisitio, ni fallor, commodè sic instituetur. Aliqua nempe, corporis animati portio, quæ vasis sanguineis, lymphaticis, nerveis, multiplicique fibrarum genere constet, omni reliqui corporis communione ita fiat orba, ut ad eam nulla, nisi median-tibus vulneris labiis, affluant alimenta. At prudenti simul industriâ prospiciendum ut nutritio, posito quod reipsâ perfici queat, perficiatur. His requisito modo peractis, utcunque ceciderit, tenebræ discutientur: vel enim portio sejuncta marcescet quasi siderata, vel vitâ frui perget, proindèque conclusio suâ sponte, si prius contingat, negans, si posterius, affirmans orietur.

## III.

**M**E A M mentem luculentius aperiet quorum in cuniculo sum nuper expertus simplex & fidelis enarratio. Pyramidalem trigonam, è cuniculi majori gluteo cuteque super impositâ resectam, partem scalpello sejunxi prorsus, basi tantummodò integrâ vicinæque continuâ remanente. Sanguinis effusione cohibitâ, idoneo futuræ, quam vocant siccam, fasciarumque unientium apparatu curavi citissimè hoc vulnus coalesceret, provisus in fundo subjectum hæreret, usque ad perfectam segmenti conglutinationem, filum tenue cerâ obductum & ad extrâ, ne loco moveretur, ope tenacis emplastri firmatum. Ubi solidâ vulnus inductum cicatrice, incisione transversâ pyramidis basim amputavi: indè liber supposito filopatuit exitus, argumento nullam vel minimam fibrillam solutionis immunem fuisse. Rursus hæcce nova sectio sanaretur operam diligentem admovi. E voto successit eventus: diebus enim paucis optimè convaluit cuniculus, nullam substantiæ jacturam passus, pristinæque segmenti, & incolumitati, & sensibilitati restitutus.

## IV.

**A**TQUI œconomîæ animalis tantillùm gnaros minimè latet id ita contingere non potuisse quin unâ plurima perpetrata fuerint phænomena, quin solitas deflexi nervei spiritus ad segmentum vias sibi referaverint, quin cæteri vasorum ordinēs congeneribus novo fœdere fuerint uniti, quin denique vitæ universalis irre-quietos influxus absque ullâ intermissione segmentum participaverit. Procùl hinc igitur erronea Chirurgorum theoria, qui interfusâ substantiâ inorganicâ glutinosâ ferruminante locum obtinere contendunt vulnere coagmentationem, deletis quibuscunque sectorum vasorum orificiis & collapsis. Naturæ vires, vix ullis circumscriptas limitibus, æquius æstimare satagant: ejus arcanis quàm maximâ sagacitate vestigandis, eisque in artis suæ emolumentum ægrorumque salutem quantum poterunt impendendis, toto ingenio incumbant. Partes vel omninò resectas in genuinum locum reponere non dubitent, tardèque admodum, si nullum mora ægris damnum inferat, de felici successu desperent. Curationes enim, quas



id genus binas absolvisse testatur peritissimus *Garengeot*, quasque deridiculè commentitias orbis Chirurgicus judicavit, non ita meâ quidem sententiâ improbabiles. Esto partes porosiores & abundanti succo turgidæ penitusque divisæ, propter nimis celeriter imminutas vasorum diametros subitamque liquidorum avolationem, tali artificio nequeant adunari. Sed aliter sentiendum de partibus firmioribus, quales cartilagineæ ligamentosæve, nasus, aures, &c. Quotidiè rusticani pullorum gallinaceorum calcar demunt, quod in eorundem cristæ recens excisæ radices adhuc cruentas illicò inserunt firmantque donec apprimè solidetur, cornua prælonga crevisse caponibus aliquandò miraturi. Similiter, quanquàm sub plurimo respectu dispar vegetantium & animalium mechanismus, arborum plerarumque compactiori structurâ donatarum rami, dudum etiam avulsi, semet, aut emplastrari, aut inoculari, aut alio quocunque modo inferi patiuntur, sylvestresque truncos comâ fructibus exquisitis teracissimâ ditant; dùm laxiori textu præditæ plantæ sunt insitioni prorsus ineptæ, quippè quæ liquidis diffilabilioribus constantur.

In experimento, cujus historiam mox summatim exposui, ut ut mollis & spongiosa gluteorum fabrica, segmenti tamen vita nunquàm vigere desinivit, quia duplici tentaminis periculo prospectum ne requisitæ ad optimam coalitionem deficerent conditiones. Nam initio per basim pyramidis affluebat iusta nutritii humoris quantitas, postea verò trans labia prius inflicti sanatique vulneris permeabat, segmentique, tùm gangrænam, tùm sphacelum præcavebat. Ergo madoris motûsque vitalis in utroque casu satis aderat ut divisæ partes denuò ligari possent. Indè canalium inanitorum, retroactorum, constrictorum, impletio, elongatio, relaxatio. Indè sensim sine sensu arteriæ arteriis, venæ venis, nervi nervis, imo in vulnere primum, in summo deinceps, occurrebant, implicabantur, concresecbant, perfectissimæque cicatricis, nullo ferè vestigio in posterum agnoscendæ, rudimenta parabantur.

## V.

**N**EC operandi methodum diversam incassum adhibitam objiciant adversarii, siquidem liquet eos idèò naturam in exitûs infausi crimen immeritò vocaturos, methodique quam usurparunt perversitatem potiori jure esse arguendam. Et certè infinitus invaluit errorum numerus quos ab operandi, seu difficultate, seu modo minùs conveniente unicè oriundos opinio præconcepta stolidè amplexata est. Sic aliquorum animis pertinaciter hærebat nunquàm coadunari cævas fibras musculares, quòd illas, post inflicta musculis abdominalibus vulnera, coalitionis expertes sæpenuerò viderant, perindè quasi musculosos labri leporini parietes centiès accuratissimè glutinatos observasse non contigisset. Ejusmodi arteriosarumque plagarum labia conjungi præpediunt obices præsertim à summâ mobilitate & intempestivo intestinorum aut sanguinis appullu nati, her-



niasque , anevrysmata , & alias tristes sequelas arcessunt : quos ubi debito stabilique hiantium orarum contactu superaverimus , numeris omnibus absolutas cicatrices adipiscemur . Offium fracturas jumentis superventas , olim pro immedicabilibus habitas , nunc , usu machinarum disrupta membra in idoneo situ retinentium , veterinarii facillimè curant . Plura in super in medium juvaret proferre , ni jam longius à proposito & assequuto fine dimoverer . Itaque , persuasus quòd , quidquid obluctabitur , experientiæ vocem ratiocinantium clamores neutiquam infirmabunt , hic ex abrupto concludam .

*Ergo , incaptâ vulnerum coalitione , reviviscunt , & , absolutâ , perstant in coadunatis labiis pristina mutuaque liquorum commercia .*

## DOMINI DOCTORES DISPUTATURI.

- |   |   |  |
|---|---|--|
| M. Jacobus-Franciscus DE VILLIERS.  | M. Joannes-Franciscus-Jacobus ROUSSILLE DE CHAMSERU.            | M. Ludovicus - Guillelmus LE MONNIER , rei herb. ann. 1745-46. Prof. |
| M. Eduardus Franciscus-Maria BOSQUILLON. Chir. lat. id. an. 1779 80, rei herb. an. 1781 82, iterumque Chir. lat. id. an. 1789-90, Prof. designatus. | M. Joannes - Jacobus PAULET , Phys. an. 1787-88 , & Path. Prof. | M. Laurentius FERRET , Chir. gall. id. ann. 1744-45. Prof.           |
| M. Ludovicus-Carolus-Henricus MACQUART.   | M. Claudius-Antonius CAILLE.                                    | M. Michael-Joseph. MAJAVULT.   |

Proponebat Parisiis , LUDOVICUS-AUGUSTINUS-JOSEPHUS DESROUS-SEAUX , Carolopolitanus , Rhemenfis , necnon saluberrimæ Facultatis Medicinæ Parisiensis Baccalaureus , Theses auctor.

Typis QUILLAU , Saluberrimæ Facultatis Medicinæ Typographi. 1790.

